


KA

PHALANG

Dai

**Kong Loissimai Syiemlieh**

2009



(La pyimh dai Nongthoh)

Acc. No. 1278/117A

Class No.      Book No.

Author *Kong Missimai Byowuloh*

Title *Kaphalong*

Borrower's Name      Due Date      Borrower's Address

Acc. No. 1278/11/RB

## DISTRICT LIBRARY

GOVERNMENT OF MEGHALAYA

RI - BHOI

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. Any such injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.


Help to keep this book fresh & clean

# KA PHALANG

Da i Kong Loisimai Syiemlieh

2009

(La pynmih da i Nongthon)



Ia ka hok longtrai la tyngkai

**Dr. Pascal Malngiang,**  
Associate Professor, Department of Political Science,  
North Eastern Hill University, Shillong

## SHIKYNTIEN

Nga dap da ka jingkmien kaba khraw haba i Kong Loissimai Syiemlieh i la phone sha nga ba i kwah ban pyni bad ba ngan pule ia ki poitri kiba i la thoh. Nga da sngewkmien shuh shuh namar kham mynshuwa ruh nga la pule bad ai ia ki kyntien kitbok kitrwiang ia ka kot ba i Mei jong i, i Kong Listrimai Syiemlieh i la thoh, kaba i la jer kyrteng Ka Shalyntem. Nga sngewkmien pat ba mynta nga ioh ia ka lad ban ai ia kine ki kyntien kitnok kitrwiang sa ia ka kot jong i khun jong i.

I Kong Lois i la ong ba i ioh mynsiem na i mei jong i ban thoh ia kine ki poitri. Kane ka pynpaw ba ki sap jong ki kmie ki kpa ki hiar pateng ha ki khun bad ki ksiew tangba ki dei ban kyndit thiah ban shem bad pyndonkam ia ki kumba i kong Lois i la leh. I la kylli ia nga hato kine ki poitri ki long kiba biang ban pynmih. Nga la ong ba ki biang palat. I lada ngam bakla i la thoh ia kine ki poitri naduh u Kyllalyngkot 2007 haduh u Jylliew 2009. I la jer kyrteng ia kane ka kot **Ka Phalang**.

Ha kane ka thup poitri, i kong Lois iba la thoh ha ka dur ka dar jong ka Iyric. I la wanlam bun ki phang kiba mangi kum ka jaitbynriew ngi dei ban kynmaw. I la kren shaphang ka jinglong khynnah mynshuwa bad ki jait jingialehkai bapher kiba mynta ha kane ka juk ngim iohi shuh namarba ki khynnah pule ha kane ka juk ki bunkam than bad namarba ia ki la ktah ruh da ka pyrthei jong ka jingialeh. Ha ka poitri Dpei Barhem I pynkynmaw ia ngi ia ki iing Khasi kiba mynshuwa ha kaba ka don ka ryngien ha kaba la thad ia ka doh, ki ktung bad ki riwhadem nalor kiwei pat. Kine ruh ngim da iohi koit khamtam ha sor ha kane ka juk.

I thoh ruh shaphang ka riti ka dustur kum ka jingburom meikha. Ha ka Tiensimai pat i thoh shaphang ka jingbud tang ia ka hok kaba long ka pdeng jong ka jingim jong ngi kum u khun Khasi Khara. I kyntu ia ngi ruh ba ngi dei ban tip ia la ka tynrai, namar lada ngim tip, ngim bat bad ngim tyngkai ia la ka tynrai ngi lah ban jah noh.

Ha kane ka juk ia beh spah, i shat jingmut ba ka spah ka long kaba donkam hynrei ngim dei ban mane ia ka. Ka jingpyrkhat kaba dei ban

ialam ia ngi khamtam ha kane ka juk jong ki jingdawa ki babun haba teng teng ngi klet ia U Blei bad ia ka iing ka sem tang na ka daw ban kamai spah. I maitphang ruh halor ka jingim kaba mynta ha kaba ngi tharai ba ka juk khlaw ka dang syshar kaba mut ka bor dohksah ka synshar lut. Ha kane ka por i ong ba kaei kaba kongsan kam dei ka jingiapynti bor hynrei ka jingtrei shitom. I Kong Lois i shlan ban thoh shaphang u riewkai bad ka jingiatiplem, kaba ngi iohi ba kumba long ha kane ka juk kane ka jingiatiplem ka la jah.

Kawei na ki mat kiba kongsan kaba i la ban ka long ka jingtip Blei, u Blei uba la thaw ia ngi bad ia ka sngi bad ia ka miet. I kyntu ba ia ki sur rwai Blei ngim dei ban leh khlemakor, hynrei khamtam ia ki samla ba ki dei ban phrang shuh shuh ha kane ka sap kaba kynrei ha kine ki lum jong ngi.

Kaba khatduh kaba nga kwah ban kdew, ka long ka jingkyntu jong i ia ngi ban burom bad ban pynsah pynneh ia ka mariang. Kane ka paw ha ki poitri babun jong i ha kane ka thup. Kine ki dei ki jingsneng jingkyntu ia ngi ha kane ka juk ha kaba ngi iohi wat ha kane ka jylla jong ngi ruh ka la sdang ban don ka jingkylla haka suiñ bneng. Kane lehse ka jia namar ka daw ba ngi pynjot ia ka mariang kaba ai jingim, kaba ai bam ai dih bad kaba pynplung pynsan ia ngi.

Nalor kine i la wanrah sa kiwei ki phang kiba kan bha ba ki nongpule jong ngi kin ia peit hi. Kin thew kin woh ia ka matti jong i bad kin ai ia u sawar uba bit tam halor kine ki mat kiba la iatai.

Nga ai ia ka burom bad ka jingkitbok kitrwiang jong nga ia i Kong Lois ba in nang pynmih shuh shuh bun ki jongthoh ki ban kdew, ialam lynti bad pynkynmaw ia ngi ia kiei kiei kiba lehse ngim poi pyrkhath ne ngim burom. To u Blei un nang iai kyrkhu kyrdoh ia phi ba phin don ia ka pyrkhath pyrdaiñ bad ka met ka phad kaba khlaiñ na ka bynta ka jaitbynriew.

Uba dap da ka jingburom bad ka jingkitbok kitrwiang,



## KA LAMPHRANG

Nga kwah ban iathuh khyndiat kaei kaba la pynlong ia nga ba ngan thoh ia kine ki poitri haba ngam ju pyrshang eiei naduh ki por kiba mynshuwa. Kane ka wan jia ha kawei ka sngi ba nga pyrkhath shaphang i Mei jong nga i bym don shuh ha kane ka pyrthei, i Kong Listrimai Syiemlieh iba long ka kynthei kaba nyngkong eh na ki nongthaw jingrwai Khasi ha kane ka Ri jong ngi. Ka wan ka jingpynsngew ha ka mynsiem jong nga; ***"Aiu ma phi, phi la leh haba katne i Mei jong phi i la noh synñiang da ki jingrwai jong i sha ka imlang sahlang."*** Kane ka long ka jingkyntu ba nga dei ban bud ia ki dienjat jong i bad dei kane ha i jingpyrshang barit jong nga ban sdang ban thoh ia ki poitri kiba mih na ka dohdud jong nga kawei hadien kawei katba ka dang wan ka jingpyrsad mynsiem. Nga thoh shaphang bun kiei kiei ki ban ai jingtip ia ki samla ka juk mynta ia kiei kiba la jia bad long ha ki por kiba mynshuwa. Nga la thoh ruh shaphang ki mat bapher bapher ban pynproh ia ka jabieng, ban kham ngam jylliew shaphang jong ki. Nga ngeit ba kane kan pynkhie-im ia ka thoh ka tar u Khasi, ban icit ia la ka jong ka ktien, ioh ka shu ngam sha ki ñianra khlem iohsngew shuh.

Ngam lah ruh khlem da pynpaw ia ka jingsngewnguh jong nga ia i Dr. Pascal Malngiang iba la iarap ia nga ha ka ban pynbit pynbiang ia ki poitri jong nga.

Khyndiat sha ki nongpule shaphang **"Ka Kor"** ha kane ka thup. Ka jabieng u briew ka dei ka kor kaba donbor tam kaba pyniaid ia ka jingim jong u, ryngkat ka jingiatreilang bad ki kor iohi, ki kor iohsngew, ka dohnud kaba long ka shlem ba ka jabieng kan shim ia ka rai. Kumjuh ka kor tylliat jingbam ban pynkhilaiñ ia kitei ki dkhoh baroh. Kine lyngba ki thied kiba ni bin bin kum ka leilich ki par sted shane shatai ban rai ia ka longbriew manbriew jong u.

***Khublei shibun***

**Kong Loissimai Syiemlieh**





# KI SKER

<b><i>Lynnong</i></b>	<b><i>Page</i></b>
Ka Mynshuwa	1
Ka Kor	2
Ka Tynrai	4
ka Spah	6
Ko Mei	7
Kham Niar	9
U Mali	11
Ka Mairang	13
U iaiong	15
U Riewkai	16
Jingai ba kor	18
Ka Jingdum	19
U Briew	20
Ka Sur	22
U Phlang	24
Ki Lawbah Lawsan	25
U Smat	26
Ka Thei Shempap	27
Ka Lyer	30
Nusib	31
Ka Dpei Barhem	32
Koh Thoit	33
Kfien Smai	35
Meikha	36
Ki Puri	37
Ka Ding	39



# KA MYNSHUWA

*Kyllalyngkot 2007*

1. Ha por ba jingsniew dang kynjah  
Dei hangta keiñ nga long khynnah,  
Ka shnong ka thaw ka dang kylluid  
Mareh ryngkang nga sngew laitluid,  
Mynta khynnah kim lah ioh shuh  
Por suk pyrthei la phet jynduh,  
Ka por ka leit ka por ka wan  
Kata ka dei bor ba maian.
2. Ngi leit sha skul ngi da sngap dngong  
Kaei ba nonghikai ki ong,  
Ngim don ka lad da kumwei pat  
Shitom ialeh da mon ba jwat,  
Por ialehkai por trei por ktah  
Ka don kyrhai kumba ngi kwah,  
Por ialehkai ngim shong ha ñg  
Jabieng pyngngad bad khlaiñ ki shyieng.
3. Ki jinglehkai ba sngew shongshit  
Kynhoi risa bad heh bad rit,  
Ka tied randose kumno ban skoi  
La rem la jop kim ju wad phoi,  
Malaishito ne dieng shohhai  
Iatied tynggeh ban ioh pynhai,  
Ka puhlatom dei kawei pat  
Bad heh bad rit iapuh lympat.
4. Tin jot pleid pait leh khunjakai  
Khlem lut pisa khlem pynbijai,  
D'u shyiap ki sla shet ja shet jhur  
Suhsieng mynsiem ha jingmutdur,  
Por slap por lyer ban pynbyrngia  
Kynting mawsan kheifñ thok biria,  
Ha ki tnad dieng teh sohpadoi  
Iaknieh shong ruh teng teng iaphoi.

5. Khynnah shynrang siat mawpyllon  
Kynthei ia skip h'ban da kyllon,  
Sngewtynnad eh ban leit riam phreit  
Ha thit sohphan ki noh beit beit,  
Khynnah kynthei leh khun mynriew  
Tang da ki jaiñ pynwan dur briew,  
laleh iarieh bad sohtyngkoh  
Bad rit bad heh iañiom baroh.
6. Jinglong khynnah ba dap sngewbha  
Ki stad ki ong dei kaba bha,  
Jinglong khynnah ka trei borbah  
Saiñ dur shisha jinglong rangbah  
Sohsat khynnah, khlem jingsngewbha  
Kulmar pyrthei, ka pyrta shla,  
Pyrthei mynta balei kumne ?  
Ka por ka leit tang jingpule
7. Ryngkang mastieh te kam don shuh  
Ngun ngun pyrkhath ym lah ithuh,  
Jingshai jingstad ioh na T.V.  
Teng teng kylla khyrwait shabi,  
Namar jingstad la kiew palat  
Bunsien mynsiem ka pynsohsat,  
Ki sngi basuk shu sah kynmaw  
Sa shisien keiñ kwah kin wan paw.

## KA KOR

*Kyllalyngkot 2007*

1. Ka kor phylla b'la shna janai  
Ka trei borbah, por khlem tyngkai  
Ki thied ki sop sawdong kyllaiñ  
La pynshong hapoh ruh bakhlañ
2. Kane ka kor ba hajrong tam  
Ka pynlaid lut baroh ki kam,  
Ka synshar lut nadong shadong  
Wat ia pyrthei ka pynkhongpong.

3. Ryngkat bad ka, don jingpynshai  
Ban iohi lut haduh ha trai,  
Hangta brum brum bram bram ki wan  
Ryngkat bad ka, ban sa pynwan.
4. Ha bynta pat ba kham harum  
Ka don ka shlem ba rhem hum hum,  
Hangta jingtied ba khlem sangeh  
Ryngkat kynshait da khun tynggeh.
5. Don sa kawei pat ka bynta  
Ka bsa ia baroh ki mala,  
Dei nangne ba ioh bor ki kor  
Tang tlot kane ki la duh bor.
6. Ka kor bakhlaif ka kli hi mlon  
La thail syrtap kyrdon kyrdon,  
Lyngba ki ksai par ding pyrthat  
Dei hangne keif shong bor pyrthat.
7. Pyrthei mariang ka bat ha kti  
Ban pynbha ne ban pynbaji,  
Mano ba ai bor pat ia ka  
Dei artylli jingshai ki 'ba.
8. Ha kine ar don jingiasoh  
Bad kor bakhlaif ba kin pynproh,  
Kum leilieh par ka ding ha ka  
Khyrwait kloi lan ba kan sa shna.
9. Kumta kumta khlem jingshongthait  
Ka bor jong ka ba kan pyllait,  
Sha shlem barhem ka phah khubor  
Khlem ka kubur, kam leh donbor.
10. Ka shlem ka khywin ka patied  
Ka dei ne em, ne tang jingbieit,  
Ka ksaid ka ksaid bad ka kyndeh  
Ban leh ia ka, ne ban ym treh.
11. Dei hangne keif ka khih ka thma  
Tang la bakla poi sha jingma,  
Don kiba dei bad bamyntoi  
Kiba kyntiew jingbha jingroi.

12. Ki ar jingshai kum ki rakot  
Shane shatai tba katba kot,  
Kim hun jongioh ban klun lut phar  
Dei kine keif ba trei satar.
13. Dei kine keif bym ju shongthait  
Shondur sha kor ki phah lut khoit,  
Korbah teng teng ka tieng ban tur  
Na shlem ka kwah ka jingmynjur.
14. Don ruh ki kor pynsngew bakhlaif  
Sha ka kor bah ki iaid kyllaif,  
Mar kumta hi korbah ka pdiang  
Ka dei ne lait ka da pynphrang.
15. Dei ka korbah ba long kynrad  
Ka ktik jingmut ki stad ki jhad,  
La don jingthut ban shna ia ka  
Shitom ban lap haduh mynta.
16. Kumta ban khura stad ia ka  
Bunsien ka poi sha ka jingma,  
Jingtrei ka shlem ruh kan sangeh  
Bad hangta keif sa shu peit seh.
17. Kine ki kor dei bakordor  
Dei ban peit bha man la ka por,  
Namar tang sniew kawei na ki  
Lad ym don shuh ban thaw buji.

## KA TYNRAI

*Kyllalyngkot 2007*

1. Ka tynrai dei kaba donkam  
Jingthung jingtep ki dieng ki siej,  
Lada tynrai jong ki kam skhem  
Baroh ngi tip ba kin khylllem.  
Ka ing ka sem khlem skhem nongrim  
Ka long ba ma ban shong ban sah,  
Ban leh ka kam dei ban da shai  
Da wad da tip naduh tynrai.

2.     **Kham bunsien ruh ka jinglong brierw  
 Babha basniew ka sdang na ing,  
 Synshar khadar kam ju iaid beit  
 Khlem shong nongrim bad khlem da peit  
 Shongkha shongman da tih tynrai  
 loh poi ka sang loh poi ka ma,  
 Lada na trai pule ka skhem  
 Kam eh i'u brierw jingstad ban shem.**
  
3.     **Ha kino kino ki bynta  
 Ka bha ka sniew dei na tynrai  
 Khyllung khynnah dei persara  
 Kumta ka dei ba ngin peit bha.  
 Jingthung jingtep dei thied tynrai  
 Kiba iarap ban san ban plung,  
 Ban tei ia jinglong ing long sem  
 Naduh ba sdang peit ba kan skhem.**
  
4.     **Kiei kiei sdang na rympei  
 Kata ki ong riewstad pyrkhat,  
 Ki khun ki kti b'la saifdur bha  
 Akor burom iohi shynna.  
 Ha shnong ha thaw mih jingkulmar  
 Ha wad ha iit kaei ka daw ?  
 Pynbha sdang noh, kyndit bynriew  
 Ban tei ban bha la jaidbynriew**
  
5.     **Ba jaidbynriew kan neh kan sah  
 Ka tyrirai dei ba kan shong skhem,  
 Ka ktien ba kren ka riam ka beit  
 Burom pynneh ia la ka jong.  
 Bunsien iohi ha ka pyrthei  
 Rit paid ki dam bad jah jynduh,  
 Kylli pyrthew bad ai ka rai  
 Dei ba kim bat ia la tynrai.**

## KA SPAH

*Rymphang 2007*

1. Ka spah shisha long jingkyrkhu  
 I'u heh i'u khraw i'u rit i'u ria,  
 Khlem don,ka spah briew um lah im  
 Jingdonkam baroh ka pyndap.  
 Ban trei ban ktah la kam la jong  
 Bai seng bai dang dei ba kan don,  
 Kumta ban ong ba ngam kwah spah  
 Kata te dei jingkren jahkwah
- 2 Baroh baroh ki wad ka kam  
 Ka ban kyntiew ka ioh ka kot,  
 Ha ka khim khait trei katba ioh  
 Ban lait khlemraif ban ym dap ram  
 Ha trei shitom spah nang kyrsoi  
 Ioh lut jingdonkam khlem khuslai,  
 Ha pang ha jhia, spah ka donkam  
 Ban thied ia ka wat da ka ram.
3. Wat nongsynshar ruh ki wad lad  
 Ban rad jingduk ri ban kyntiew,  
 Ka kur ka jaid ruh sngewphuhmat  
 Lada baroh don spah kyrhai.  
 Ki khun ki kti jingnang jingstad  
 Dei tang ka spah ba lah iarap,  
 Ha kiei kiei baroh phar,  
 Khuslai kan fliad phin pyngngad kdar
4. Hynrei kynmaw ruh tang kawei  
 Ban mane ia ka spah ym bit,  
 U briew ba rhah palat ka spah  
 Mynsiem jong u kam shong palei.  
 Tang ban ioh, poi sha palat pud  
 Un tare lut wat spah bym hok,  
 Um tip ka sang um tip ka ma  
 Knieh lut jingioh u rit u ria.



5. Ban sarong bad shaniah ha spah  
 Ka dei jingbieit pyrkhat bakla,  
 Bunsien iohi, spah kylla lieng  
 Jot thiaw byndi kat kaba don.  
 Ka phur mastieh ka bud tynneng  
 Ka poi sha kyrduh khamakha,  
 Kumta kunai ngi dei ban nang  
 Ryngkhat donkam, baroh shu biang
- 6 Ka spah bymhok ka bam kylla  
 Ha ka shikhmat kam pat da jia,  
 Hynrei hadien kan sa wan bud  
 Ngat ki jynjar ngat ki sohsat  
 Ka pynpyrkhat ka pynkynmaw  
 Ia jingbymhok ia jingbam klop,  
 Kumta ainguh, hun kat jingioh  
 Ainguh l'u Blei da jingiaroh.

## KO MEI

*Rymphang 2007*

- 1 Ko mei ko mei ko mei, ko mei  
 Phi don ki khun da ki million,  
 Ia ki baroh phi ia pynbiang  
 Ba kin ym thngan ba kin ym sliang
- 2 Kitai pyntha to puh to daiñ  
 Phin ioh ka bam phin ioh ka sa  
 Phin hap ban shah ka sngi ka lyer  
 Hynrei khatduh phin shem kam pher
- 3 Ki tyllong um kine kyrhai  
 Ban pynjah thait ban pynjah sliang,  
 Ban khuid ka tngit ban sum ban sleh  
 Ki thie ki wah ia phi kaweh.
- 4 Ka ding ka theh phi donkam eh  
 Ba phin pynih ka ja ka jhur,  
 Kitei ha lum ki diong ki siej  
 Pyndonkam keiñ bad wat leh bieit.

5. Ban kham bang ja ban don jingmad  
Jingtah jingber la pynbiang lut,  
Dohkha dohpnat ki thie ha um  
Dohmrad dohmreng wat leh jhulum.
6. Ki wah ki tuid ha lai kyrdan  
Ha wei, ha ar khlem don jingwit  
Ha kaba lai thad shfiuh kynjai  
Pyntha seisoh kine kyrhai.
7. Ym don shongthait ki dei ban iaid  
Haduh ba lynti iaid kan kut,  
Ka kmie ka pdiang ka doh ka dait  
Hangne artad kin ioh shongthait.
8. Kyndit ka kmie balei kumne ?  
Da sboh jabaifi la sop ia ki  
Shano kan bret banse ban kdup  
Dohkha, mrad um, baroh iap lut.
9. Dei khun bynriew leh beifi leh sat  
Ngim don ka bor ngi hap ban shah,  
Kam pher ka hok kan sa bishar  
Un ym lait shuh un shah jynjar.
10. Dang don kyrhai ka spah ka phew  
Shapoh ba jylliew phin hap krad,  
Jingnang jingstad phin hap iakhun  
Ban tih ban lap ha ban da hun.
11. Jaka jaka la buh kyrpang  
Tang ki saw kjat ban roi ban par,  
U pud u sam u dei jong ki  
lashoh iadat ai kin tip hi.
12. Ka bam ka dih kane kyrhai  
Shongsuk shongsaiñ para ma ki,  
Dei u arkjat ba tur pynthud  
U lynfiar kliang kylla tyrud.
13. Ki lyer suhsieng lyngba ki dieng  
Ki khun ki kti ba kin khiah krat,  
Sa aiu pat ko mei ngan jer  
kti basbun ha baroh phi kner.

14. Hynrei ko mei nga sngewpangnud  
Ki khun haramni khlem sngewnguh,  
Jingai ka kmie ban kheif kordor  
Leh mon pathar ha ban da tlör.
15. Ha mei mariang don lut ki rong  
B'u khun bynriew un peit iapngiah,  
Sopti jyrngam pur lace rupa  
Phi pynjot lut bad pynjakhlia
16. Khun haramni ba kwah spah rhah  
Kyndang tynruh kat kaba don,  
Tang ban ioh spah khlem kheif khlem sang  
Jingbuh ka kmie ha ban da stang
17. Ha peit don hok ha ka pyrthei ?  
Dei ba jingtipler kam don shuh,  
Kumta jynjar kulmar ka shlei  
Phi leh hi te, phin phet shaei ?

## KHAM NIAR

*Rymphang 2007*

1. Ha pneh mariang ba itynnad  
Ka don kawei ka shnong,  
Ka thei samla tip briew bad smat,  
Dei hangta ba ka shong.  
Kam don hynmen kam don para,  
Bad la ka long khunswet  
Ki kur ki kha ki kdup ia ka,  
Khuslai baroh ki phet.
2. Nang iaid ki sngi nang iaid ki snem  
Mynta ka la samla',  
Ka rep ka riang da jingsngew kmen  
Ka nong kyndong paka.  
Ym tang ka rep,ka suh ka thaif,  
Khem dud ruh ka nang bha,  
Ka trei shitom ka shait ka khlaif  
Ki kam pyndep pura.

3. *Nusip kam dei ha kti u briew,  
La buh shyieng krung janai,  
Ka samla ruh kam shym phohsniew  
Ban poi shong shaba jngai.  
Ha shongkha hap ban mih na shnong  
U 'rang ka iakynduh  
Ka bud thiaw ruh shaduh Shillong  
Hangta ka shong jynduh.*
4. *Ki khun la roi parum pareh  
la ki, sumar kyndong,  
Pyrkhat ki lad pynsan pynheh  
Kine ka kynmaw dngong.  
U kpa ki khun la kam la jam  
Ka ruh ka trei shitom,  
Ka thaw ki lad kunai khamtam  
la ki jingeh ka thom.*
5. *Kham fiar phin shem kum sap jong ka  
B'la ai sbun da U Blei  
Sopti ka suh ka da nang bha  
Kumjuh shynrang kynthei.  
Ki khun shynrang ka khap shñiuh hi  
laleh kunai pisa,  
Da ki jaiñ rben suh boot juti  
Khun rit ba kin syaid bha.*
6. *Ki khun la san la kham lait por  
Sha wah leit khwai dohkha,  
Ryngwiang paron ruh barabor  
Da tbit ia ki ban shna.  
Tang ban ioh leit sha lum sha wah  
la ka pynkmen mynsiem,  
Tang ban jan bad mariang ka kwah  
Ka klet jynjar jingtieng.*
7. *Kawei pat ba kham fiar phin shem  
Ka sap shong sbai rupa,  
Jabieng baproh ba lah pynrhem  
Da sur bathiang nylla.  
Na thwei dohnud jong ka ki mih  
Kyntien ba don jingmut,  
l'u khun khasi mynsiem pynkhih  
loh tynrai tyllep lut.*

- 8      Ka por kam don ka pud ia ka  
          Hapdeng ka jingbunkam,  
          Haba wan shoh 'tien sur nylla  
          Ka sangeh, ioh ki dam.  
          Ka shim khulom na la pla kieng  
          Sangeh khat ja khat jhur,  
          Ka thoh wut wut khlem ilap lieng  
          Ban shoh ki ktien bad sur.
- 9      Pule puthi kam shym ioh bha  
          Hato phim sngew lyngngoh?  
          Sur myllung sur thiang ki sawa  
          Sawdong ka ioh iarah.  
          Hyirei sngewrit ka sngap palei  
          Namar ka sngewthuh shai  
          Ka dei baroh sap ai U Blei  
          Sha pyrthei ban pynshai.
- 10     'Tien sneng jingtip ka la pynsngew  
          Ha phi ko ki longdien  
          Ioh dier ka por mynsiem kan jew  
          Ka ri la kylla lieng.  
          Ioh klet tynrai bud jong kiwei  
          Hangta kan duh kan dam,  
          Ka ri kordor ba shong ki blei  
          Baroh khoit kin shu pdam

## U MALI

*Rymphang 2007*

- 1      Shisien nga iohi  
          Ia u tymmen mali,  
          Ha kper ba kynjah  
          Kper itynnad u kwah,  
          U trei minot thop  
          Trei smat ha ban da jop.

2.     **U thung ki syntiew  
Ki fiut ki fier u thiew,  
Syntiew ba bun rong,  
Ki kmen ia u ki ong  
Wat iehnoh ia ngi,  
Hun jingsumar jong phi.**
3.     **Kumta um iehnoh  
Ia ki u kjo u khrbh,  
Ki plung bad ki phuh  
Kat ki te ym don shuh,  
U ieng u peit ieit  
Ki rong ba pynshoh bieit.**
4.     **Mali nga iohi  
Dei ha por shiteng sngi,  
U phriang la jasong  
Ha phlang u shong kynrong,  
Shiphang u shongthait  
Ka por um pynlyngngaid.**
5.     **Kumta ngam lah klet  
Pynpyrkhat ruh puted,  
Trei hok la ka kam  
Suk mynsiem thiah aram,  
Wat kam kaba rit  
Khlem ai burom ym bit.**
6.     **Khubor ki iathuh  
U mali um don shuh,  
Ia kper u mali  
Shisien biang kwah iohi,  
Syntiew la iap lut  
Jingphuh jingphieng la kut.**

## KA MAIRANG

*Lber 2007*

1. Ka Mairang ka shnong ba nga ieit  
 Ha por mynshuwa ban poi sha ka  
 Shong da kali haduh Mawngap,  
 Nangta ter ter iaid da ka kjat  
 Kiba iohlad shong d'u kulai,  
 Khyllung tynmen kit da ka khoh  
 Mynta pyrthei te sngewlyngngoh
2. Ynda la hiar na ka kali  
 La pla jasong ngi kit kyndung  
 Iaid sting iaid smat ioh lap ka miet,  
 Ynda ka kpoh ka la thngan har  
 Sharud wahduid baroh ngi hiar,  
 Jasong iwbih ba song ha sla  
 Ngi bam ngi dih ban da pura.
3. Nangta ngi iaid ter ter lynti  
 Biria birai dap jingiarkhie,  
 Ngi klet ban sngew jingthait jingrhem,  
 Pateng pateng harud lynti  
 Ki dukan sha kine kyrhai,  
 Sha khluit putharo pumaloi  
 Ngi dih bad kwah poi shnong noh kloï.
4. Haba la poi sngi iew Mawngap  
 Lynti Mairang la lynguh thui,  
 Kulai kit phan bun spah tylli  
 Da ki spah mon ki leit ban die,  
 Leit phai ki kiew halor kulai  
 Kynthei shynrang baroh kumjuh  
 Bran ban kodom bad rkhië sahu.

5.     Jingitynnad ka shnong Mairang  
        Dalei lei ruh ngam lah ban klet,  
        Ka shnong ka thaw tap phlang jyrngam  
        Diengkseh kyrhai ha lum Laitblieh,  
        Sohbrap khlaw saw ha 'law Mairang,  
        Mawthar mawpun dang sngur khliir khliir  
        Umbam umdih na kyndong bir.
6.     Na jngai katai ñng dak bangla  
        Madan jyrngam bad kseh bilat  
        Ki ker sawdong jingipyngngad,  
        Lum Maralong utai kynjreng  
        Samla, khynnah, leit kai sngewbha  
        Ki pynthor kba kine kyrhai  
        Ka bam ka dih ym don khuslai.
7.     Man la ka ñng ki ri kulai  
        Ka leit ka wan ka kit ka bah,  
        Man la ka ñng ki ri masi  
        Ki ioh ka dud ki ioh ka sboh,  
        Ki syiar ki sniang kine kyrhai  
        Hoid ! hoid ! ka dei rukom ting sniang  
        Ha por janmiet iohsngew kyndiang.
8.     Ki longshuwa ba iohi jngai  
        Ka ñew langstieh ba don kyndon  
        Tang u khasi ba lah khaii,  
        U trei shitom da bor da buit  
        Ia jingdonkam ban pynbiang lut,  
        Ka spah ka roi u heh mynsiem  
        Haduh mynta phim lah pynliem
9.     Suki suki ka iaid ka por  
        Ka dur jong ka, ka nang kylla  
        Ñgtrep ñngskum ym iohi shuh  
        Ñgbha ñngmiat iphuh iphieng,  
        Ka leit ka wan da ki kali  
        Ki surok rong tawiar ka shnong  
        Trai shnong u peit, da sngewsarong



10. Ka por ka iaid phim lah ban khang  
 Ha baroh jingkylla ka don,  
 Jingnang jingstad ka la nang kiew  
 Hajuh jingsniew ka nang kharoi,  
 Dur mariang bhabriew ngi la duh  
 Ko khun Mairang wat ym sahnud  
 Jingkiew shaphrang jong phi angnud

## U IAIONG

*Iaiong 2007*

1. U iaiong u iangit  
 B'la jer ki longshuwa,  
 Jinglong jong ka mariang  
 Kumjuh ka iadei bha.  
 Shiphang te la dum tliw  
 Shiphang ka la shai kdar,  
 Khun bynriew shu lynñiar.
2. Ka Suiñbneng ka kyrhuh  
 Khlek khlek ruh ka thaba  
 Talaiñ ki wait rupa,  
 Langthari ka khyrwait.  
 Lynti iaid phar ka mait  
 Ne ki ong u kyllang,  
 U ruh u klun naphang.
3. Wia wia ka beh ka lyer  
 Wallam u slap u phria,  
 Sla dieng ki shad ki kmen  
 Rong jyrngam kliaw ki phong.  
 Bad tiaw bun rong ki phuh,  
 Mariang trei la ka kam  
 Bynriew um lah saham.

4. Ha kane ka aiom  
Khun bynriew pat u kiuh,  
Khywin baroh sawdong  
Kaei ban jia um tip.  
Jingthung la tap u phria  
O wow la rat ki iing,  
Pait dohnud rit mynsiem.
5. Katne jingstad la kiew  
Bor mariang kim lah khang,  
Khyndiat iada ka don  
Pyntlot borbah mariang.  
Wat pom ki dieng ki siej  
Ka pra shiteng lynti,  
Tang kata nga iohi.

## U RIEWKAI

*Jymman* 2007

1. Ha u riewkai jingim ka per  
Ka thok ka thak ha u kam pher,  
Kat shaba iaid u pynthame  
U kup arphong khlem jingbabe.  
U iaid u ieng u phlan duman  
Baroh ki bieit, u iaid palwan.  
U kop u sop kat haba don  
Hadien um tip lade u phon,  
Baroh ia u ki peit ki ngeit  
Jingshaniah ruh ka shong syngngert

2.   **Katba nang iaid, kiba iajan**  
       **La nang lap ksai baroh jingphlan,**  
       **Haba ki peit ki ia sammut**  
       **Um tip u bhai ia u la kut.**  
       **Baroh ia u ki beifñ ki khoh**  
       **Ki bitar shla ki da kheifñ poh.**  
       **U thok u thak khlem jinglehraiñ**  
       **U nang ki ktien kumno ban thaiñ,**  
       **La iap baroh jingiatiplem**  
       **Paw penryngkew ia u kam slem.**
  
3.   **Ha u, ka don ka dur bula -**  
       **Ha khmat ki briew i kum babha,**  
       **Tang khyllait pat kylla pyrdet**  
       **Ki kam ki ktien phin da byrted,**  
       **Bishar u nang tang ia kiwei**  
       **La lyngthohdoh u klet haei.**  
       **Mynsiem bishni kuhiw ka don**  
       **Haba ialeh um lah tangon,**  
       **Kumta shu thaw shu leh baheh**  
       **Kyrdan la jong pyni um treh.**
  
4.   **U briew hi uba long riewkai**  
       **Ha ñng ha sem ruh u pynbtai**  
       **Jingmut rangbah ki ktien shong sbai**  
       **Ha u ym don, tang ki ktien kai.**  
       **Jingiatiplem ka phet shaei**  
       **Ki ktien ki kam khlem isynei.**  
       **Ynda la shet, u kmen tohhoh**  
       **Um tip jynreiñ un kit shikhoh**  
       **Ki kam jong u bun kim iohi**  
       **Tang Blei bishar un ai nong hi.**

## JINGAI BA KOR

*Risaw 2007*

1.   Jabieng banep  
       Ryndang ba ih  
       Ka dur bhabriew  
       Ki dei jingai kortam,  
       To don ka spah hajar  
       Ia kine phim lah thied,  
       loh tang kiba donbok  
       Kumta pyndonkam hok.
2.   Jabieng banep,  
       Ka lum jingstad  
       Hangta ka set.  
       Kat shaba phai ka lah  
       Jubab stad ba kan ai,  
       Kiwei kim lah ban ioh  
       Ban knieh ruh shem shitom  
       Haduh jingiap kan thom.
- 3    Ryndang ba ih  
       Wei ar ki ioh  
       Bad ym baroh  
       Pynbud phi lah ia sur  
       Hynrei kam lah ban ih,  
       Sah kynmaw ym lah klet  
       Sur thiang ba ki kynud  
       Wat jingim ka la kut.
4.   Ka dur bhabriew,  
       B'la oh Nongthaw  
       Dei bakordor.  
       Ba kiwei kin iap ngiah  
       Don hok tang uba ioh,  
       Kiwei kin knieh kim lah  
       Sumar bad kheifn kordor  
       Jingai wat pynpoh dor.

## KA JINGDUM

*Nasilur 2007*

1. U Blei bastad Nongbuh Nongthaw  
 Pynkhlad jingdum jingshai pyrthei,  
 Mynsngi bynriew un trei un ktah,  
 Mynmiet jingdum jingtngen un thiah.  
 Mynmiet donkam ka leit ka wan  
 U bnai ki khlur u da pynwan,  
 I'u briew la biang nadong shadong  
 Trei smat trei sting ioh la ka nong.
2. Haba nusib sniew ka wan hap  
 H'u briew wan kah jingdum ki khmat,  
 Pisa lynga ba kat kata  
 Teng teng ka jia naduh dang kha.  
 Shu hap ban shah shu hap mutdur  
 Sngewthuh tang na jingktah bad sur,  
 Kum kine keiñ sah ha jingdum  
 Ban peit ia ki, mynsiem ka ùm.
3. Kum kine pat don sap phylla  
 Ki sei ki sap ba pynlyngngoh,  
 Kumno keiñ ha jingdum ki trei  
 Pyni la jingstad ha pyrthei.  
 Ha ki, jingiaishah pleng ka dòn  
 Lah ban leh haba don ka mòn,  
 Nuksa ki ai ha jingduna  
 Kiwei ba biang, wat ym leh sa.
4. Ha kiwei pat jingdum ka tap  
 Jingmut ka dum khlem ka jingstad  
 Ka ktien thylliej ruh ba ki kren  
 Pynlong kiwei, shu sngap myllen.  
 Jingstad nang kiew kim tip ei ei  
 Khubor pyrthei ha ki sepei,  
 Ha ri jong ngi dang bun byllai  
 Khubor ngin rah bad ngin pynshai.

5. Hateng jingshai ba tang khyndiat  
 Ki sngew bastad ki sngew tiplut,  
 Ba bun ba lang ba sngap ia ki,  
 Shu sngap shu rkhe ia u bapli.  
 Kumta donkam jingshai nylla  
 Ban lait na ki jingken ruma,  
 Tang nang pule bad thoh kam biang  
 Jingshai paka dei ban ioh pdiang.
6. Wat khulai ba ngi long rit paid  
 La jingshai dei ban pynthaba,  
 Kan rah ia ngi sha kut pyrthei,  
 Kin ithuh lut ngi dei kiei.  
 Kyndit bynriew beh ia jingdum  
 Ioh dier ka por, ioh ngi ang um,  
 Lada jingshai ha ngi ka don  
 Kiwei kim lah ban pynkyllon.

## U BRIEW

*Naitung 2007*

1. Khatduh U Blei u thaw i'u briew  
 Mynsiem pyrsat bad ai la rngiew,  
 Tip thuh jingstad bad bor pyrkhath  
 Bak lybak u pher na kiwei pat.
2. U briew u tip ka mane Blei  
 Ha la jingngeit ialeh ban tei,  
 Tip lem tip hok u dei ban don  
 Khlem kine, thikna un kyllon.
3. Man la u briew ki sap ki phong  
 La rit ne khraw ha u ki don,  
 Ka shong ha u ban nang pynroi  
 Ter ter ban kiew sha khlieh ban poi.
4. H'u briew, pyrthei dei madan thma  
 Jingeh ba bun la ap lypa,  
 Jingstad ban ioh hap khun tyngah  
 Ka kam ka jam u hap iabeh.

5. Khambun ban sah hajuh kim treh  
Burom ka spah ka nam ban neh,  
Dohiap trei smat trei hok la kam  
Kum kine ñiar ba kin bud nam.
6. Ha madan thma jingeh ki bun  
Teng teng u sngew ki reng kin luiñ,  
Lada mynsiem shynrang u don  
Da lei lei ruh un ym kyllon.
7. U riewlehsuk u riew jaipdeh  
Ban im ha pyrthei long ba eh,  
U jot rathai, u shah ibeiñ  
lano kynnoh, ia u hi keiñ
8. U Blei la rngiew h'u brierw bynshet  
Hynrei bunsien na u ka phet,  
U nud ban leh kam sniew kynsha  
Pyrthei lyngngoh, ka pyrta shla.
9. Man la u brierw u kwah riewspah  
Ynda la rhah, ka pynjahkwah,  
Teng teng ban klop ruh um sngewsang  
l'u rit i'u ria u pynsyllang.
10. Ki ri ha pyrthei iaknieh bor  
Ki khie ki thma man la ka por  
Ki brierw kylla phet wir jynjar  
Kumne jia ha pyrthei baiar.
11. Katba dang im ha ka pyrthei  
Shu hap ialeh jingim ban tei,  
U trei bor bah u mih ka syep  
Wat la u tip jingim kan sep.
12. Teng teng u brierw kat nang iaid hok  
Nang shem jynjar nang pynsyrtok,  
Jubab ia kane phin ym lah  
Synei u brierw shu hap ban shah.
13. Ka ban sa wan u brierw um tip  
Ka bha ka sniew shong ha nusip,  
Dang kumne kmen, jingim ka phuh  
Pat, kynsan dkhat bad um don shuh.

14. Don pat ki khep bym lah shemphang  
Jynjar bun snem ka ban ka pang  
Hynrei hadien ioh khiah ioh krat  
l'u briew pyndem hap saif pyrkhat.
15. Ka iap ka im ha u kam shong  
Bor ba maian shisien kan rong,  
Ka sla pyrthei dei ing basa  
Kane dei aif bym lah kylla.

## KI SUR

*Nailar*

1. Ki sur ba thiang ba mih,  
B'la ai kyrpang da u nongthaw,  
Hawei ha ar ryndang ba ih  
Phim lah khlem da kynmaw.  
Shisien iohsngew ki bud syrwet  
Ha shkor ki iai sawa,  
laleh kynud pynbud arted  
loh ba ki jah sutra.
2. Ha ki khlaw bah ba iar  
Phim sngewkynjah; kita ki sur,  
Pynsting ka dohnud klet lut phar,  
Surthiang bym lah mutdur.  
I sim barat lah pynsawa  
Ka khlaw na kut sha kut,  
Hato ko briew; phim sngewphylla ?  
Ha phi ka shoh jingmut.
3. Ki khlaw dap jingsawa,  
Ki sur sngewtieng ba ki kyrhuh,  
Ki khla ki sing ba kpoh dawa,  
Mrad rit phim iohi shuh.  
Wat na u briew mih sur khlaif bor,  
Pynkhynfiuh ki kamra,  
Ki kynroh Jerikho mardor  
Kyllon ha jingsawa.



4. Ha baroh ki jingjia  
 Ha jingialang, ka niam rukom,  
 Jingtem jingrwai ki pynshongkhia  
 Shong kun i donburom,  
 Ha sdang ki jinglehkai pyrthei  
 Sawa ki sur jingtem,  
 Nonglehkai bad paitbah bashlei  
 Baroh iakynud lem.
5. Jingrwai ki don ka bor,  
 Pynkylla khongpong ia pyrthei,  
 l'u-jot i'u pei sei na ahor  
 Jingim babha ban tei,  
 Ki don pat jingrwai bakynsha  
 Ki ngam ki jingmut sniew,  
 Nangring i'u briew sha jingthala,  
 Ban leh ki kam bangiew.
6. Ki sur kiba sngewthiang,  
 Ki pynseisoh jingthung jingtep,  
 Balei syntiew ki phuh kyndiang ?  
 Ba sawa sur khlem pep.  
 Wat u syiem Saul ha jinglymwir,  
 Duitara u Dabid,  
 Ki pynpyngngad jabieng hir hir,  
 Ki sur nongtem batbit
7. U bynriew ba bunjaid,  
 Ha rwai ha siaw ha put ha tem,  
 Jingsngew pher baroh, lut ka sait,  
 Mynsiem jong u pynjem.  
 Kumta ki sur dei ba kordor,  
 Wanrah ia jingtylli,  
 Ki ktah jingsngew ki don ka bor,  
 Phin shem dalade hi.

8. Ko samla ba don sap,  
 laleh pynroi, wat pynsep ei,  
 Ki sur tynrai ba bun syrtap,  
 Ka ri kan dap kan shlei,  
 Ka nam kyteng ka sah junom,  
 Pynim ia ka lawei,  
 Phin ioh jahthait la trei shitom,  
 Burom phin ioh, ka dei.

## U PHLANG

*Risaw 2007*

1. Ka sla khyndew khlem tap u phlang  
 Kan i lymboit kan i lymbiang,  
 Ka rong jyrngam bapynthaba  
 Ki lum ki them bad ki pyntha;  
 U khun bynriew u peit iapbieit  
 Pynkmen dohnud dap jingsngewieit
2. Nongleit nongwan ha thait ha jrem  
 Ha jaka phlang ioh shong ioh dem,  
 Hangno ba don ki jaka phlang  
 Nongbam khana hangta ki phriang;  
 Katto katne ki jinglehkai  
 Donkam madan phlang bakynsai
3. U phlang dei jingthung bakordor  
 Myntoi na u phim lah siew dor,  
 Ia ki masi, blang bad kulai  
 Phlang dei jingbam uba kynsai;  
 Ban ioh jingkoit ban lait jingpang  
 Halor u phlang da leit iuh khnang.
4. Ha ka por tlang u iap u stai  
 Tang poi ka lyiur jymgam phyrnai,  
 Phi wiang da ding u iap u iong  
 Tang wan u slap u khie rasong;  
 Phi iuh kyrdem u hap ban shah  
 Hynrei pynduh ia u phim lah.

- 5      U briew ba don jingmut ba skhem  
 Wan ki jingeh um ju pyndem,  
 To iuh to beif katba phi mon  
 Mynsiem iaishah ha u ka don;  
 Kum phlang jymgam un phyrnai kdiar  
 Namar jingeh u tur khlem kiar.

## KI LAWBAH LAWSAN

*Nohprah 2007*

- 1      Ki Lawbah ki Lawsan  
 Ba don kylleng ha snieh pyrthei,  
 Ki diengbah ki diengsan  
 Ba snoh jyrmi kine kynrei,  
 Tyrkhang nar plung bad heh  
 Saphriang kylleng ia khlaw ia btab,  
 Syntiew ha lyer ba beh  
 Thaba ki rong, iwbihi ka dap.
2.      Diengsoh diengpai bun jaid  
 Ba thieng ba<sup>2</sup> jew kine kyrhai,  
 Ki siej bad ki lakait  
 Phin iaid phin shem kine byllai.  
 Wahduid ba sngur khliir khliir  
 Hapdeng lawbah ki shad ki kmen,  
 Lyer iwbihi beh hir hir  
 Sla dieng ki hap, syrtap ki rben.
3.      Ki lawbah ki lawsan  
 Dei jaka shong ki mrad ki mreng,  
 Ki sim ki leit ki wan  
 Ban wad la bam ki iaid kylleng.  
 Ka bam kane kyrhai  
 Ki soh ki phlang bad ki thied dieng,  
 Kiwei dohim kyrthai  
 Ki ktha ki shyleng ki shruh itieng.

4. Jngai na lawbah lawsan  
 Ngi shong ngi sah ha la ki shnong,  
 Ngim poi pyrkhat pynban  
 Ka thma ha khlaw man la ki dong.  
 Haba la thngan ka kpoh  
 Ki mrad khlaif bor kynrup naphang,  
 Mrad rit her iap baroh  
 Dei bam jong ki ym lah ban khang.
5. Ka aif b'la buh Nongthaw  
 Mrad rit mrad khraw la buh ryntih,  
 Ki sngewthuh ki kynmaw  
 Ing, dei ka khlaw kim lah ban mih.  
 Ki roi ki par kumjuh  
 Ka aif i'u briew, um lah leh bor,  
 Kane dei ban sngewthuh  
 U pher n'u mrad, jingim kheif kor.

## U SMAT

*Kyllalyngkot 2005*

1. U Smat u dei ksew ba phylla  
 U shong u sah ha ing khunswet,  
 U suk u saif u ioh ka bam  
 U sngaid u plung khmat ba iieit,  
 Ka ing ka sem u sumar bha  
 Bad ki, u mareh u kynthih  
 Pynklet baroh ki jingsngewsih
2. Haba ki leit sha skul pynpaw  
 Utai na khmat ia ki ialam,  
 Ryngkat bad ki rung lang shapoh  
 Ha kti ha kjat synran ia ki,  
 U shong u sngap um ju pynwit  
 Ynda sha ing la dei ban leit  
 Utai na khmat ialam beit beit.

3. Kynhun ki iaid ha surok bah  
Ter ter ki bud kim ju sheptieng,  
Riewsniew umnud ban'tur kynsha  
Ngun ngun u iaid u da sngewthuh  
Kumno ban kiar kumno ban iaid,  
Ki briew ki peit ki iphylla  
U pat lade, tip la bynta.
4. Ha ĩew luri lura ki mrad  
luhbeĩn jingdie jingthied jong u,  
lamrem u phet da jingsngewsih  
Sha ĩng u briew leit pan basa,  
U briew u buh ha shyngkub ĩng,  
Kumta ban pyni jingsngewnguh  
U shakri hok bad briew shongduh.

## KA THEI SHEMPAP

*Kyllalyngkot - 2008*

1. Ha sngap ko phi ngan iathuh khana  
Shaphang jingim kawei ka samla,  
Shempap phin lap, ym shem kum ma ka  
Jynjar sohsat ki lynsher ia ka.  
Ka por la biang ba kan shongkurim,  
Īa smai ia spot bad u ba kan im,  
Baroh arngut ki im suk im saiñ  
Ki ioh i khun, mynsiem ka sngewshngain,  
Shi por jingiap ka rong noh ia i  
Sngewsih pait dohnud ia ki bapli.

2. Ka por ka iaid ka kmie la sngewtngen  
Kyndit u kpa u khlad hi noh shen,  
Kumno kan im, pyrkhat kam nang shuh.  
Hynrei hadien ka wan jingsngewthuh,  
Ban sah sngewsih kam myntoi ei ei  
Baroh ka bret lut, jingshaniah h'u Blei,  
Ka para bapli ka kdup ka pyntngen  
Wan shong bad nga, wat duh jingkyrmen,  
Kumta ka leit, mynsiem ka sngewkhia  
Kumne tehsong jingieit shipara.
3. Ka dei ka briew ba ju trei shitom  
Khunruid ka sumar kum la ki jong  
Ka suk ka saiñ, sngewsih ruh ka phet  
Kynsan i'u kpa, jingiap knieh kynthet,  
Baroh ar ngut ki iam pait dohnud  
Ki khun dangrit, la ka khlieh ki trud,  
Kumno kin bsa kumno kin pynsan  
Ki trei shitom haba duk ka tan  
Ki khun sngewthuh la jinglong khunswet  
Lada duh kine, shano kin phet.
4. Ki khun kine ruh, la nang khamsan  
Peit ieit ia ki, jingtngen ruh ka wan,  
Kmiesan ki ieit, kum la jong ka kmie  
Ka suk mynsiem, jingim kam babe,  
Arngut ki kmie ki sumar ia ki.  
Ban ong khunswet, ym idei phi,  
Ki rkhe ki kmen, ka ñng dap jingsuk  
Mynsiem ka hun, ha la jinglong duk,  
Wat la ki dei ba sah riewkynthei  
Ki tur ia jingeh, mynsiem ka palei.

5. Por la nangiaid, jingieit ka tehsong  
 Hamar hangta, wan jia da khongpong,  
 la knie ki khun, jingiap ka rong noh  
 Lynfiar lympat, sah ha jinglyngngoh.  
 Balei sohsat katne ka wan hap  
 Tangon tymem ia meisan shempap,  
 Mynta jingkit bakhia hap ha ka  
 Ummat ki tuid, sa kumne wan jia,  
 Ym myntoi, ieng ka kut la jingmut  
 Ngan sumar ngan ri haduh bakut.
6. Katne katne, ngan ieng rangbah  
 Tang katta em, ngan i kum u bah,  
 Khanshi ka shim, ka ot ia u shfiuh  
 Sopti poh patlun, phim ithuh shuh.  
 Pynlong ia ki briew ban peit lyngngoh  
 Kumne jia, haba wan shoh ka ngoh,  
 Ka trei shitom, ka bor kum rangbah  
 Baroh ki kam, wat shynrang kim lah,  
 Jingkylla dur, jingkyrkhu ia ka  
 Ka iaiaid laitluid, ka lait na jingma.
7. Ki khun ka bsa, jingstad ruh ki ioh  
 Ka sngewphuhmat, baroh ki iaroh,  
 Ka suk mynsiem, wat la trei shitom  
 Haba wan jingeh, ngi dei ban thom.  
 Jynjar ngi mad uwei pa uwei  
 Hap shah, ngim lah ban kylli balei,  
 Ka jubab ban wad ruh phim lah ioh  
 Shu hap aiti ha U Blei baroh,  
 Ka thei shem pap long nuksa ba khraw  
 Haba wan jynjar, mynsiem pyniaw.

## KA LYER

*Kyllalyngkot 2008*

- 1 Ko lyer ko lyer ba beh ha pyrthei  
 Phi ai jingim phi long jingaiei,  
 Hynrei ia phi ym lah ban iohi  
 Sla dieng ki khih ngi tip dei ma phi,  
 Phi beh jem jai, phi pynsgew pyngngad  
 Ban leit bam lyer, ia phi ngim ju blad,  
 Lada ia phi, ngim lah shuh ban ioh  
 Jingthaw pyrthei, kin iap lut baroh.
- 2 Jingpang jingkhrew donkam te ia phi  
 Bynriew pynsniew, katne phi shakri,  
 La roi u briew, jingstad la nang kiew  
 Saw kjat ki par, pynmih tdem pynsniew,  
 Rakot byrthen, haw haw ki pynpluh  
 Ka dur bhabriew jong phi, ym ithuh,  
 La stad palat, haw haw ki khynra.  
 U briew shongsyier, kan wan ka jingma
3. Ka por ka iaid, ym lah pynsangeh  
 Ki buit ki lad, bynriew poi jingeh,  
 Pynwandur pat, jingkhuid jingsuba  
 Ki stad ia ksaid, ki lynga pisa,  
 Kan poi ka por, ba phin jah noh soit  
 Jynjar kan wan ha ngi baroh khoit,  
 Ka lad ym don, ba phin wan phai pat  
 Khmih isynei, briew lynñiar lympat
4. Haba phi dom, ban peit ruh itriem,  
 longngaifñ paswut, baroh phi pynliem,  
 Phi rat ki dieng, ki ñng bad ki sem,  
 Khyrwait phi pda, metiap ruh ym shem,  
 Duriaw khie dew, ki um phi kynting  
 Jhad bad ki lieng, shapoh um phi ring,  
 Briew um don bor, ha bor ka mariang  
 laleh phin ym lah, wat la tiar phi biang.



5.     Jingim jinglap, phi bat lut ha kti  
        Kynsan ba wan ka 'er langthari,  
        Ki briew phetwir narud ki duriaw  
        Ha dara ki shong, bad mynsiem ba diaw,  
        Kumne ka jia ha ki por ki por  
        Haba mariang ka wan leh donbor,  
        To stad to nang phim lah leh ei ei  
        Shu hap ban shah, kyrpad isynei.

## NUSIB

*Lber 2008*

1.     Teng khat nusib wan jia h'u briew  
        Teng teng ka bha teng teng ka sniew,  
        Sngewthuh kane, long kaba eh  
        Wan hap, ne dei la jong jingleh,  
        Bunsien iohi kane kawei  
        Minot shi'om, bha ka lawei.
2.     Wan hap shitom wan hap jynjar  
        Dei jingleh bakla leh pathar,  
        Lyngkot jingmut khlem kun pyrkhath  
        Tare ruma hangta kyrthat,  
        Balei kumne, wat ong nusib  
        Phai dien jingleh, hangta phin tip
3.     Ha teng pat, jingmut ka kulmar  
        La roi la par, duh kumba sar,  
        Haba kumne, dei nusib jot?  
        Jubab kata, khot katba khot,  
        Bym poi pyrkhath, sha khlieh u kiew  
        Shisha kane, dei nusib briew.
4.     Shaniah nusib ka long jingbieit  
        Nyngkong ka khalai, ka khot ieit,  
        Katba nang ioh nang bang nang brai  
        Poi duh syndon ka nong ka trai,  
        Hangta ka wan ka duk kyrduh  
        Ka lad ym don, poi sha ka tuh.

## KA DPEI BARHEM

*Naiwieng 2008*

- 1      Ki lai tylli ki mawbyrseiw  
          Kitai ki don hapdeng kamra,  
          Dei hangta dieng tyllaw ki bsuh  
          Ban rhem ka ding, tdem ruh lyng-uh,
2.      Ha pyrshah dpei, sdien ka tyngier  
          La iong phymai d'u pring suda,  
          Katba nang shah jingkhfluid bad tdem  
          Katta nangeh, neh da ki snem.
3.      Ha ka diengiap, shang prah tyrnong  
          Ha ka dohtir, dohthad ki sdien,  
          Ban rkhiang na jingkhfluid bad na tdem  
          Jingbang jingshngiam hangta phin shem.
4.      Ka sad ka shat rong iong phymai  
          Pynpur stem ksiar ki riwhadem,  
          Ki phiang dap um, da tong antad  
          Ban ym hap leit kit um bun wat
5.      Katba dang rhem ka ding ha dpei  
          Ishngaiñ isyiad ka ñng ka sem,  
          Sawdong jong ka ki khun ki ksiew  
          La ki khana ki iaphylliew
6.      Ki lai ki maw, dei ban shong skhem  
          Ba ioh tyllun ioh hoit ki khiew,  
          U kpa ka kmie bad Blei nongthaw  
          Ki dei atiar saiñdur bakhraw
7.      Jingkit bakhia ha la tyngier  
          Phin hap ban shah ka shit ka syang,  
          Saiñdur ia la ka ñng ka sem  
          Baroh ki lai ki dei ban skhem.

## KOH THOIT

*Watwieng 2008*

1. Haduh myrita sha nongkyndong  
Don khynnah apmasi,  
Nga peit i-leit bad kwah ban tip  
Shaphang jingim jong ki.  
Koh Thoit u dei uwei na ki,  
U nongsharai masi
2. Da ka jingmen bad phuhsamrkhie  
U batai bniah ia nga,  
Ia ki masi la pynshongdor  
Katno kawei shi snem.  
Ha kut ka snem ym dei shi bnai  
Kin loh la ka bainong.
3. Dang step u khie ban leit sha skui  
Ban nang pule bad thoh,  
Mar iawai pat, pynsted poi ing  
U bam ia ja la jhur.  
Ha pla u thep la ka jasong  
U dieng u bat na kti.
4. U plie ka sem, masi mastieh  
Ki lok ia u ki ap,  
Kynhun kynhun ki ia iaaid lang  
Ki kmen bad ki shongshit.  
Masi kynthih, talaiñ ki tdong  
Ba kin sa loh ka bam
5. Ter ter ki iaaid narud pynthor  
Nongap da peit husiar,  
loh iuh pynthor, pynkdad sha lum  
Ha phang ba don u phlang.  
Mareh pyrta kynkaw hylla  
Ban sakma kin ym shah.
6. Ki masi ynda ki la kdang  
Ki ialum shi jaka,  
Khynnah ap masi, la sngewthuh  
Ym don shuh ka jingma.  
Shongshit kloï lan mareh sha um  
Ba kin leit khwai dohthli.

7. Ialeh shitom ban ioh jyntah  
Na ñng rah ja suda,  
Ryngkat ka kmen ka rkhe sngewbha  
la lum ña sliew ka ding.  
Hapoh ka sla song ki dohthli  
Ki bsuh ka ding barhem
8. Antad ba ki dohthli la ih  
Koh Thoit u sei na ding.  
Khleh lang piat, mluh bad sohmynten  
Ki bam da hun mynsiem.  
Nangta ki sdang ka rwai ka siaw  
Şur siang bad ka thap kti.
9. Haba ka sngi ka shit kyrang  
Ha um ki ia jympha,  
I sngur i ieit ban peit ia ki  
Ki hun ha la ka kam.  
Ki khun nongsor kim tip ei ei  
Kum kane ka jaid kam.
10. Ka sngi mynta ka la jan sep  
Ki hylla ki kynkiw,  
Ki khot ki lum ia ki masi  
Ban leit phai noh sha sem  
Masi sngewthuh bad ki kohnguh  
Ki iaidd beit ka lynti.
11. U dieng ha kti, shu shu ki ñiah  
Lehkai artad lynti,  
Ynda la poi jaka iakhlad  
Ki kdad sha la ki sem.  
Lah sum lah sleh ki sdang khreh kot  
La thait, thiah kumba iap.
12. Koh Thoit iathuh don ki jingeh  
Hap shah u slap ka lyer,  
Kup da ka knup shatri bajot  
Shang ia ka lum ka wah.  
Teng teng sliew ding ruh ym long shuh  
Hap bam ka ja suda.

13. Haba lap miet ka ialehkai  
Kawei nang sakma,  
Jingtieng jingsyier, hylla kyrkait  
Sawa ka khlaw ka btap.  
Haba la dum la lap ka miet  
Ki wan phai noh sha ing.
14. Kim nang iohthiah, ki sngewsahnud  
Dangstep ki khie pynsted,  
Sha lum ki krad, sañium ki thom  
Ki wad ha ban da shem.  
Ka jingkit khlieh ka dei jong ki  
Lada kawei ka jah.
15. Haba la poi ka por kut snem  
Ki puh ka khmat, ki kmen,  
Ki tip kin ioh la ka bainong  
Sngewhun la trei shitom.  
Kumne ki im, kumne ki man  
Ki khynnah ap masi.

## KTIEN SMAI

*Kyllalyngkot 2009*

1. Khasi u ong ka thma ka ktien  
Tang la bakla te phin shu sdien,  
Shu kren ruma tang lait jynhaw  
Ka poi pynban sha ba mynsaw,  
Kumta ban kren ngi dei ban nang  
Kiwei ban sngap ruh kin sngew bang
2. H'u mynbarim 'tien smai ka dei  
Jutang iateh ha khmat U Blei,  
Ba nud ban smai dei tang uta  
Ba kren ia hok bad jingshisha,  
Tymmen ki sneng ding ding dang dang  
Ban smai kulmar long kaba sang.

3. Wei ba la smai phi dei ban bat  
loh ha jynjar lade phin ngat,  
Hynrei mynta kylla khongpong  
Smai la ka smai long katba long,  
Shano 'tien hok 'tien sot ka don  
Baroh la kylla mawpyllon.
- 4 Riewkhraw riewheh ki leit ban smai  
la ka 'tiensmai ki ialehkai,  
Khlem bat khlem leh kaei ki khlei  
Balei la kylla ka pyrthei ?  
Da pyrkhat bha ko khun Khasi  
loh la tynrai phi pyniap hi.

## MEIKHA

*Kyllalyngkot 2000*

- 1 Ko Khun ka Ri u Hynñiewtrep  
la ka dustur riti wat tep,  
la ki longshwa, kynmaw tymfang,  
Kaei ki buh, da kheiñ kyrpang.  
Ka iateh kur ka burom kha  
Ki tip kumrio ban ring dur bha,  
Lada ia ki ngim kheiñ kordor  
Ka jaid bynriew kan sti kan tlor.
2. Ki riew tymmen naduh mynshwa  
Dei ban burom meikha pakha,  
Naduh dang rit dei ban hikai  
Peit khun da sngap ba ngan batai.  
Da lei lei ruh phim bit ban klet  
Ban ieit burom ia ki puted,  
Pyrsa kurim dei ban sngewthuh  
Burom la kiaw la kthaw kumjuh.

3. Riti dustur u mynbarim  
 Hangne hangtai ka dang ïai im,  
 Haba meikha khlad na pyrthei  
 Khunkha ki noh synfiang bynhei.  
 L'u sniang wanrah ban phur ban siang  
 Kyrpad kyrpon ruh ba kan pdiang,  
 Jingkyrkhu ruh na ka ban ioh  
 Jingieit kynmaw ruh kan ïai snoh.
4. Kane shisha ka ïai urlong  
 Meikha kfiakha nang ban burom  
 Ki jingkyrkhu U Blei theh sei  
 Phi trei phi ktah khlem lehnohei.  
 Kane mynta ka la sdang jah  
 Wat ai ba u lyoh dum un kah,  
 Jingnang jingstad ka la nang kiew  
 Wat klet tyllong la jaidbynriew.

## KI PURI

*Lber 2009*

1. Ki khana kiba mynshuwa  
 Ki ong ki don ki puri blei,  
 Kine ki shong ha ki thwei bah  
 Tengkhat eh ha sla um wan paw  
 Shiteng met briew shiteng dohkha.
2. Jingbhabriew jong ki bym lah ong  
 Shfiuh khlieh rymphai per ha sla um,  
 Tang liak shi por, ki jah noh ngaiñ  
 Sha ki fiamra thwei bajylliew  
 Ki jah, ia ki phim iohi shuh
3. Ha ïng U Ben la lum ki briew  
 Balei kumne ei kaba jia?  
 Bajah u Ben khlem wan phai ïng  
 Naduh ba u leit khwai dohkha,  
 Ka lok ki khun la shu iam briew.

4. Ka shnong ka thaw leit wad ia u  
Hynrei kim lap shano shano,  
Hadien phra bnai u wan sha ing  
Lyngngoh baroh ka ing ka sem  
Um shym ipher u long kumjuh.
5. Hangta u sdang iathuhkhana  
Katba harud thwei dang shongthait,  
Kynsan wan mih ka thei bhabriew  
Kum ka dohkha jngi ha sla um  
Sha u ka wan ka khawoit kti.
6. U noh ha um khlem da sngewthuh  
Khlem tip briew, beit u bud ia ka,  
Shaba jylliew kaei kane?  
Paki dulan jingitynnad  
Bam bang bam thiang kane kyrhai
7. U suk kynjai khlem kynmaw ing  
Da ki bun bnai u shong bad ka,  
Shu kumno re wan jingtip briew  
U khreh u khrum ban wan phai ing  
Puri kam bat, ka da wan on.
8. Ki jingbam bang u thep ha pla  
Ba kin ioh bam ha ing ha sem,  
Ynda u sei u theh na pla  
Ym dei jingbam, dei tang mawleiñ  
Baroh lynfiar sah ha lyngngoh.
9. Shi bnai ar bnai u shong u sah  
Hynrei mynsiem, lynga pisa,  
Hir hir u kwah ban leit phai biang  
Sha thwei ban ioh ia shem ia ka  
Na ing u jah sashisien pat.
10. Kum kine ki khana iohsngew  
Ban pynshisha long kaba eh,  
Tang ka ktien 'ioh puri' ka don  
Hawei ha ar ki ju ia kren,  
Kam pher, sngewtynnad jingmut dur.



## KA DING

*Jylliew, 2009*

1. Ha ka por ba nga dang khynnah  
 Ka don jingjia ba jia shisha.  
 Ha kawei na ki ñng ha sor  
 Shu mih ka ding kaba phylla.  
 Shiphang shu phui phui tdem ki nep  
 Pynlip ka ding, la jot rynjaiñ.
2. Rangbah ha kamra pdeng shongkai  
 Kynsan iohsngew ka jinglynñiar,  
 Baroh baroh iabeh shata  
 Tdem thui synduk la ing ki jaiñ.  
 La krad la bret synduk bad jaiñ  
 Shiphang kynjah, sngap jar lyngngoh
3. Ha ñng shetja ki dang khoh kwai  
 Peit kloi katai ka tin mih tdem,  
 Sikret navy cut la ing lut.  
 Shabar balei ki ia hylla?  
 Kathie ha tynrai siej mihding  
 Shata mareh ka ding ban tem
4. Ki kmie ki kpa ki khun dangrit  
 Kulmar jingmut, dap jingsheptieng  
 Kim tip ka shet kim tip ka tiew,  
 La lum ki kur ki lok ki jor  
 Ban ia pynshngaiñ ban iarap lem  
 Pynduh ka diñg kim don ka bor.
5. Ka shu iai jia kumne bun sngi  
 Shu hap ia ap shu hap peit thuh,  
 Khubor ruh ka la par kylleng  
 La tuid ki briew ban pynshisha  
 Suki suki ka shu jah rngai  
 Ka jubab pat ym lah ban ai.





